

Lamentu di u banditu (Sò for di strada)

Sò for di strada per tutta la mio vita
Soca ne era tracciatu la me sorte
Di campà solu per la machja fiurita
È cundannatu à fà la malamorte :
Per me la pace hè per sempre finita *Bis*
Induve passu mi chjodenu la porte.

Di li gendarmi ne facciu una risia
Ancu per esse un grossu battaglione
U più ch'e temu hè piuttostu la spia
Chì corre appressu à lu dettu taglione
Ma s'ella manca è ch'e salvu ne sia *Bis*
Sarà l'esempiu di tuttu lu rughjone

A zitellina ùn sò s'è mi rammentu
È l'alegria hè fughjita luntanu
Per fà la piazza à stu lungu turmentu
Chì eu ne passu dà lu monte à lu pianu
Cusì espostu à qualchi tradimentu *Bis*
D'un falsu amicu chì mi porghje la manu.